

安陽縣志

卷八至卷十五

安陽縣志

篇目

紀一

圖二

表六

志十

識餘一

志原一

金石一

卷目

卷首

凡例
原例

聖製紀

卷一

縣署圖 縣學宮圖

卷二

欽定皇輿表 沿革表 爵封表 明趙王世系表

卷三

職官表

卷四

選舉表 勲封 恩廕附

卷五

地理志 上 沿革 疆域 山川

卷六

地理志 下 渠田

卷七

田賦志

卷八

建置志

上 城池 公署 倉廩 祠廟 寺觀

卷九

建置志

下 學宮 義學 書院

卷十

學校志

卷十一

典祀志

卷十二

兵防志

卷十三

古蹟志

上 瀆堤 聚河 壘門 曲城 鎮橋 岡驛 鄉里 村原

卷十四

古蹟志

中 官宅 第堂 坊亭 臺樓 庵井 塘

卷十五

古蹟志

下
陵墓

卷十六

人物志

漢 晉 北魏 周 隋 唐 後周

卷十七

人物志

宋

卷十八

人物志

金 元

卷十九

人物志

明

卷二十

人物志

清

卷二十一

人物志

流寓

卷二十二

人物志 列女上

卷二十三

人物志 列女中

卷二十四

人物志 列女下

卷二十五

循政志

卷二十六

藝文志 上

卷二十七

藝文志 下

卷二十八

識餘 志原

附刊

安陽縣志卷八

安陽縣知縣鐵嶺貴 秦補纂

建置志

城池

公署

倉廩

祠廟

寺院

宮觀

城池

縣城圍九里一百十三步，高二丈五尺，濶二丈，外磚內土，凡四門，北拱辰，南鎮遠，東永和，

西大定，

鄴乘，安陽縣城圍九里一百十三步，高二丈五尺，濶二丈，外磚內土，四門，北拱辰，南振遠，東永和，西大定，宋志云，後魏天興元年築，宋景德三年，增築圍十九里，今裁得其半云。

案，河朔訪古記，彰德路城中，宋隸安陽縣，清置錄事司以領之，城之外，仍屬安陽縣，城郭，周十九里，据是則崔文敏所指景德增築圍十九里，今裁得其半者，蓋据城之圍，非統郭之四週言之。

陳縣志，安陽附郭，卽郡城爲城，始築于後魏天興元年，增築于宋景德三年，周圍十九里，明洪武初改築，圍九里一百一十三步，裁得舊城之半，高二丈五尺，厚二丈，外磚內

土門四、東曰永和、南曰鎮遠、西曰大定、北曰拱辰、門各建樓、又建角樓四、敵樓四十、警鋪六十有三、成化十三年、知府曹隆重修、

清康熙十六年、知府邱宗文重修、康熙五十二年、北城樓火燬、知縣徐樹敏重建東西二樓、歲久傾頽、雍正七年、知縣李閻林重修、城垣四面、俱於七年補修、

康儀鈞、案明史食貨志、洪武二年、鄧愈、湯和、屯兵彰德、屯田、又湯和傳、臂彰德城、蓋城始建于湯和、而知縣蔡誠、則其承修者也、又案魏書地形志、天興四年、置相州、又道武帝紀、天興元年、帝幸鄴、巡登台榭、遍覽官城、將有定都之意、乃置行台、是天興所置之相州、卽曹魏之鄴都、而改名相州耳、且是時安陽縣地、併入于鄴、安有創建崇墉、而不設州縣、空而置之者乎、則舊志所謂縣城之始于天興四年者、妄也、今考周書、靜帝紀、大象元年、八月、韋孝寬、平相州、移相州于安陽、其鄴城及邑居、皆毀廢之、隋書地理志、鄴縣下云、大象初、縣隋州、徙安陽、而王伯厚地理釋引都城記云、洹水南岸三里、有安陽城、今城北去洹河三里而遙、則今之縣城、卽隋唐以來、所治之處、未經遷徙、而城垣之建、在天平徙都之時、無可疑者、特以周書北史、不志地理、隋唐志又不詳創建、無可徵驗、以理度之、爲如是云、

原案安陽集相州新修園池記闢牙城而北之三分蔬圃之地其一居新城之南其二居新城之北蓋魏公所指新城卽宋志載景德三年增築者也又據河朔訪古記彰德路城中豐安坊有寺曰觀音禪院唐天祐二年建有八角井初州城在井北避洹水泛溢南徙乃包此井于城中是宋增築之由殆以避水患也今欲尋舊基當自今觀音閣堙埋廢井土人傳爲八角琉璃井者卽唐觀音禪院矣城包此井而城遂南徙故魏公目爲新城又此巷觀音閣台傳有冰井台鐵柱移置其下故于此又得休逸之跡而益以見魏公所云新城之北矣

城壕濶十丈

鄴乘壕濶十丈水深者二丈淺者八九尺

陳縣志壕濶十丈深二丈歲久淤平僅存護河形跡每西山水發下流壅塞民廬田畝多苦淹沒乾隆二年知縣陳錫輅詳請動帑挑濬四城河面寬五丈底寬三丈深五尺甕城河寬三丈又城北疏洩水支河自是水得順流無漫溢之患

節錄陳錫輅撰浚壕碑記安陽邑附郡城巍巍雉堞周環以壕而自高平村分洹水入渠東流至城析支者二南流爲南萬金渠北流爲北萬金渠壕居腰腎實順水要道用

以溉田惠民祛害就利則鄴城之壕又匪特爲護城壯其形勢矣自歲久淤澱壕與岸平上游壅閼地勢西聳東窪時屆夏秋水陡發奔騰澎湃衝突西郭民廬沉竈矣而城東之茶店坡吳村八里莊地尤卑下盡淪澤國民苦及溺積有歲年錫輅自內黃移調抵任半載因周覽形勢酌裁深廣計工若干計費若干云云城圍四周計長一千八百七丈城北開洩水河計長三百三十丈執役者官給飯食凡費帑銀一千六百三十五兩有奇壕視舊志所載濶減半爲丈者五深減四之三爲尺者五度其深廣足以資吐納護城垣且事期通變利在因民自春杪興作萬夫雲集畚鍤齊舉凡閱兩旬而畢事

公署

縣署在府城東北隅明洪武二年知縣蔡誠建圍一百三十五丈六尺深四十三丈三尺闊二十四丈五尺大門三間儀門三間大堂五間左右科房各十間堂東南角寅賓館三間堂東北角庫樓一間堂正北宅門一間橫牆一道佩韋堂五間左右門房各二間佩韋堂後左右廂房各三間內宅門一間橫牆一道三堂五間左右廂房各三間最後爲垣牆一道佩韋堂東耳房七間又東爲吏隱園爲海棠吟屋凡二十三間又東爲廚房七間佩韋堂西連接南向耳房五間後爲研棧齋南向三間又東向羣屋三間前爲

美蔭軒三間、北向側有廂房三間、又西羣房南向屋五間、北向屋五間、又西爲香有隣堂五間、與儒學鄰三堂、東側南向耳房一間、西側南向耳房一間、又西耳房南向三間、廂房三間、又西正房南向三間、左右廂房各三間、前橫牆一道、有小門、門外向北屋七間、凡屋大小一百五十三間、乾隆五十八年、知縣趙希璜詳請重修、

嘉靖二十六年、知縣張鶴重修、雷禮爲記云、粵安陽本殷墟、戰國時爲魏、寧新中邑、自秦別將拔寧新中、改名安陽、其變寧爲安、義相近矣、水北山南曰陽、其以在淇北故耶、至我朝因而名之、創造門亭公廡、附府治後、計百步許、經營董務、蔡尹誠先爲之、厥位而南、厥材孔良、繼而成化十有五年、崔公鑑吏茲土焉、慨其毀壞、率舊制而修飾之、自是循良相繼、惟世守之、于正德中、又將幾年矣、重復而整治者、不有陳公策乎、歷年既久、厥尹更代、固非一人、惟皆安常處逸、豈才不足耶、蓋其堂居公廡、不待飾、已煥然、故皆樂其舊而就其盈成也、迄今聖天子、君天下、赫然中興、披籲俊而布之列司、張君鶴字曰九臯、別號陽崗、適當其選、治之明年、嘉靖丙午、宣仁秉義、有則有程、政通人和、百廢具興、每朝夕暇、獨步門墻、上至公亭、見廡舍傾圯、棟宇腐朽、若有不可支之狀、廼喁喁然嘆、政之大者職此、其施也豈敢緩乎、予以謀及卿士、至庶人、翕然大同、廼底元吉、

稱工召匠木臂瓦石之材以枚數之幾千百有餘用人之力以工數之幾十百有奇其費役亦大矣故語僚友曰經營出于民力于義則弗堪創建舉于公家其事則難久遂諏日委任賢友董其事捐俸貲以爲費凡自一介上不忍取辨于民間徵工僦功完舊益新不數月間門亭鼎立廡宇鮮潔視昔其文制尤俊偉矣是可謂興廢舉墜與蔡公輩先後而相望者也安陽盛治端有繫于此焉安民見門亭之新公廡之完不知其費之所出見趨事者之合散不見役使之及己其故之所有而毀壞者必美麗之其無也乃今有之公之所以扶傾補敗之政如此則賢于世吏遠矣君子謂楊崗之治邑得其政營建得其道委任得其人豈非動而時中者耶安民思慕不忘故記功德于石

縣丞署

在縣治西北

主簿署

在縣治西裁廢

典史署

在縣治大門內西南隅

儒學教諭署

在縣治西

訓導署

在縣治西

城守尉署

在魚市口

學校校士館

在縣治西南卽北察院署改建

布政分司行署

舊在縣治西南今廢

按察分司行署

舊在縣治南今廢

太僕寺行署

舊在府前政府司獄

彰德衛

舊在縣治東南畫錦坊裁廢

鄴城驛

舊在南察院西裁廢

遞運所

舊在南關今廢

稅課司

舊在縣治西裁廢

陰陽學

在縣治西雍正十年增設

醫學

在縣治西雍正十年增設

僧會司

在大生寺雍正十年增設

道會司

在玉皇廟雍正十年增設

鄉約所

在縣治南

演武場

在南關西

附

養濟院

在縣治西絃歌坊

育嬰堂

在北關外大路旁雍正十二年知縣王屏增修正房五間增東西廂房各二間建門樓照壁

新建普濟堂

在縣西香港雍正十二年知縣李闡林捐建計屋三十間

新建普恩堂

在南關八蜡廟西，雍正十二年，知縣李闡林捐建，計屋三十間。

漏澤園

在縣北三里安陽橋南，又義塚四處，康熙五十九年，知縣蔣曰樑捐置，一東關地六畝，坐落海潮菴，一南關地六畝，坐落三里井，一西關地六畝，坐落馬市街西首，一北關地六畝，坐落大生寺南。

倉廩

崇寧倉

舊在縣治北裁廢

常平倉

卽預備倉，在縣治後倉巷，廩房二十五間。

嘉慶二十一年，知縣章玉森重修。

東新倉

在縣東三道街，雍正四年建，六年七年，又增建，共廩房五十三間。

嘉慶二十二年知縣貴泰重建。

西新倉

在縣治西南冠帶巷，乾隆元年建廩房四十五間。

社倉

城鄉共十四座

義倉

舊二所，一在縣西水冶鎮，一在縣東呂村集，康熙五十四年，奉文歸併常平倉。

祠廟

社稷壇

在南關外二里，壇高二尺一寸，廣二丈五尺，陞三級，雍正二年，奉文修建，計地三畝二分八釐，南北各長二十九步，東西各闊二十六步，左右栽柳，周圍土牆。

風雲雷雨山川壇

在社稷壇北，壇高二尺一寸，廣二丈五尺，陞三級，雍正二年，奉文修建，計地一畝五分八釐，南北各長二十步，東西各闊十九步，左右栽柳，周圍土牆。